



Societas Iesv Amatrix, Cultrix, Imitatrix, Christi Crvcifixi

Sandaeus, Maximilianus

Antverpiae, 1647

37. In fine vitæ pollicetur sibi salutem de Sanguine, & Morte Salvato[r]is
Jesu Robertus Southwellus, Anglus.

Nutzungsbedingungen

[urn:nbn:de:hbz:466:1-55449](#)

66 SOCIETAS IESV

pōst, pronunciatis tertio Sacro-Sanctis nominibus IESV & MARIAE, oculis in CRVCIFIXVM Dominum defixis, spiritum suavissimè exhalavit Nanciani in Sinis, die XXII. April. Anno M.DC.XX.

Litt. Sin. Eleg. B. S.

VII.

AMATOR CRVCIFIXI

*In fine vitæ pollicetur sibi salutem de
Sanguine & Morte Salvatoris IESV.*

37.
ROBERTVS
SOVTH-
WELLVS
Anglus.

ROBERTVS SOVTHWELLVS Anglus, è patriâ fidei Catholicæ caussâ profugus, postquam Romæ Societatem IESV fuit ingressus, rediit in Angliam, ubi strenuè desudavit in amplificandâ tuendaq; re catholica adversus Elizabethe Reginę furorem. Sed tandem captus, examinatus, tortus, capitis sententiam excepit, reus majestatis, quia Sacerdos, quia Iesuita esset. Die supplicio destinatâ, admonitus paucas superesse vitæ horas, ejus nuncij lætitiam amplexu, & nocturno pileolo, quem unum habebat reliquum remuneratus est.

Sub patibulo consistens in curru, ligatis, uti erat, manibus, sacra se CRVCIE signavit, dixitque: sive vivimus, sive morimur, Domini sumus. Ecce huc ad ductus sum, ut ultimam calamitosæ hujus

AMATRIX CRVCIFIXI. 67

hujus vitæ scenam agam: rogo itaque
D. N. IESVM CHRISTVM Salvatorem
nostrum, de cuius preciosissimo SAN-
GVINE, & MORTE mihi salutem polli-
ceor, ut animæ meæ misereatur,

Confiteor atque protestor me esse Sa-
cerdotem Catholicum Sanctæ Romanæ
Ecclesiæ, & Religiosum de SOCIETATE
IESV. Pro quibus in me beneficijs im-
mortales gratias ac laudes redbo DEO
ac Domino meo. Tum CRUCE denuo
formatâ, sublatis in cælum oculis spiri-
tum suum DEO commendans, submoto
curru suspensus est. Anno M.D.XCV. die
tertio Martij.

Annua Societ. IESV Provin. Rom. Miss. 1592.
Pitcaus Catal. Scriptor. Angl. Arnold. Rayss, in
Hierogaz pag. 171. Benzon. lib. 1. cap 9. Andreas
Eudamon. Apol. Garnet. cap. 6. Clarus Bonarsius
Amphith. Honor. c. 4. Index Mart. S. 1. CVII. B. S.

VIII.

AMATOR CRVCIFIXI

*Passionis Christi in se cruciatus
experitur.*

IOSEPHVS ANCHIETA natione Cana-
rinus, seu, ex Insularum Fortunata-
rum unâ, cui nomen Tenerifa, Bra-
fillium Apostolus appellatus, & seculi
sui 38.

JOSEPHVS
ANCHIETA
Canarinus.